

# *Museos de Xixón*



Xixón | Cultura  
y Educación

**CREITOS FOTOGRAFICOS:**

Parque Arqueolóxicu-Natural de la Campa Torres:  
**Mara Herrero, Benedicto Santos y Marcos Morilla.**

Muséu de les Termes Romanes d'El Campu Valdés:  
**Mara Herrero.**

Muséu de la Villa Romana de Veranes:  
**Yeray Menéndez.**

Muséu Casa Natal de Jovellanos y Muséu Nicanor Piñole:  
**Marcos Morilla.**

Muséu del Pueblu d'Asturies:  
**Marcos Morilla y Ignacio Acuña.**

La Rede de Museos del Conceyu de Xixón ta formada por ocho museos de titularidá pública dependientes de la Fundación Municipal de Cultura, Educación y Universidá Popular de Xixón. Estos museos son: Parque Arqueolóxicu-Natural de la CampaTorres, Muséu de les Termes Romanes d'El Campu Valdés, Muséu de la Villa Romana de Veranes, Muséu Casa Natal de Jovellanos, Muséu Nicanor Piñole, Muséu del Ferrocarril d'Asturies, Muséu de la Ciudadela de Celestino Solar y Muséu del Pueblu d'Asturies.

Les sos coleiciones amplies, bayuroses y diverses permiten descubrir y conocer la ciudá de Xixón y el so territoriu dende los oríxenes hasta l'actualidá, al traviés de múltiples disciplines como l'arqueoloxía, la historia, l'antropoloxía y l'arte, adientrándonos n'aspeutos fundamentales como les formes de vida y de pensamientu de los sos habitantes o les sos creaciones artístiques principales.

Los museos de la Rede conserven, esponen, investiguen y esparden el nuestro Patrimoniu Cultural, ofrecen un programa d'actividaes variáu a lo llargo de tol añu y son gratuitos pa tolos públicos.



## Parque Arqueolóxicu-Natural de la Campa Torres

Nel cabu Torres, a siete kilómetros de Xixón y nel oeste de la so ensenada, ta allugáu'l Parque Arqueolóxicu-Natural de la Campa Torres, inauguráu en 1995. Ye'l recintu fortificáu marítimu de mayores dimensiones de tola costa de los astures. El so orixe, acordies colos investigadores, sitúase al rodru de los siglos VI-V e.C., y tuvo ocupáu por xentes dedicaes principalmente a la metalurxa, llamaos cilúrnigos. Dempués, nel sieglu I d.C. el castru romanizóse y pasó a ser conocíu poles fontes clásiques col nome d'*oppidum* Noega. Cola fundación de la ciudá romana de Xixón (a entamos del sieglu II d.C. nel actual barriu de Cimavilla), el castru foi despoblándose de forma gradual hasta desapaecer.

Los sos oxetivos son la protección, conservación, investigación y difusión científica y didáctica de los restos arqueológicos descubiertos nes escavaciones, buscando l'equilibriu col entornu natural nel que s'asitien.

### SEÑES Y TELÉFONU

Carretera de la Campa Torres, 3834. 33299 - Xixón  
Tel. 985 185 234



### HORARIOS DEL MUSÉU

#### D'ochobre a marzu

De martes a domingo y festivos d'apertura, de 10 a 17 h

#### D'abril a setiembre

De martes a domingo y festivos d'apertura, de 10.30 a 19 h

### HORARIOS DEL FARU

#### D'ochobre a marzu

De martes a domingo y festivos d'apertura, de 10 a 14 h

#### De abril a setiembre

De martes a domingo y festivos d'apertura, de 10.30 a 14 h

#### 15 de xunu a 31 d'agostu

De martes a domingo y festivos d'apertura, de 10.30 a 19 h

#### Llunes zarraos (muséu y faru)

(El muséu va tar zarráu los festivos 1 y 6 de xineru;  
Martes d'Antroxu, 15 d'agosto y 24, 25 y 31 d'avientu)

**ENTRADA GRATUITA** | [museosarqueologicos@gijon.es](mailto:museosarqueologicos@gijon.es)





## **Muséu de les Termes Romanes d'El Campu Valdés**

Esti muséu, inauguráu en 1995, ta cerca de la mar, allugáu nel corazón de la ciudá antigua de Xixón y pensáu como un muséu de sitiú. Presenta'l yacimientu arqueolóxicu de les termes públiques de Xixón, recuperaes tres de les excavaciones que se ficieron ente 1990 y 1994.

Les termes d'El Campu Valdés yeren d'usu públicu y tuvieron delles fases constructives. El primer edificiu termal, formáu por una socesión d'ambientes fríos y caldios y un plan de circulación retrógradu, construyóse ente finales del sieglu I d.C. y el primer terciu del sieglu II d.C. A partir d'esta última fecha, nel frente sur, fizose una reforma que supunxo l'ampliación del complexu amestando una serie d'estancies. Esti proyeutu nuevu tien como carauterística principal la decoración de cuartos con pintures de tipu xeométricu y vexetal que tovía se conserven *in situ*.

La visita al muséu articúlase en dos árees. La primera ye una zona informativa qu'ofrez una visión completa sobre'l significáu de les termes nel mundu romanu y sobre'l funcionamientu y la historia de les termes públiques de Xixón. La segunda fai un percorriú pelos restos arqueolóxicos que reproduz la circulación interior de les termes y permite observar les estancies orixinales de los baños.

---

### **SEÑES Y TELÉFONU**

El Campu Valdés. 33201 - Xixón  
Tel. 985 185 151

---

### **HORARIOS DEL MUSÉU**

De martes a viernes, de 9.30 a 14 y 17 a 19.30 h  
Sábados, domingos y festivos d'apertura, de 10 a 14 y de 17 a 19.30 h

Lunes zarráu

(El muséu va tar zarráu los festivos 1 y 6 de xineru;  
Martes d'Antroxu, 15 d'agostu, 24, 25 y 31 d'avientu)

---

**ENTRADA GRATUITA** | [museosarqueologicos@gijon.es](mailto:museosarqueologicos@gijon.es)



# Muséu de la Villa Romana de Veranes

La Villa Romana de Veranes, conocida dende vieyo como Turruxón de San Pedro, ta allugada nel conceyu de Xixón, cerca de l'antigua ruta romana que comunicaba estos territorios cola capital, Asturica Augusta (Astorga). Esti muséu de sitiu, qu'abrió al público en 2007, amuesa los restos arqueolóxicos d'un establecimientu grande de tipu *villae* que se construyó nel Baxu Imperiu Romanu (s. IV d.C.) sobre les ruines primitives d'un asentamientu rústic altoimperial de relevancia considerable. Esta casona señorial, perteneciente a un propietari notable que seguramente se llamaba *Veranius*, presenta tres fases de reforma y ampliación arquiteutónica. La mansión tuvo habitada hasta'l sieglu V d.C. Tres del abandonu, dalgunos de los sos espacios siguieron usándose como ilesia y cementeriu na Edá Media.

Amás de la musealización de los restos arqueolóxicos, la sala d'esposiciones amuesa los oxetos arqueolóxicos procedentes de les escavaciones de la villa, qu'ilustren la evolución y la historia del yacimientu dende'l periodu romanu hasta'l fin de la Edá Media.

## SEÑES Y TELÉFONU

Veranes e/n. L' Abadía Cenero, 33393 - Xixón  
Tel. 985 185 129 / 629 755 409

## HORARIOS DEL MUSÉU

Del 16 de setiembre al 15 de xunu

De martes a domingo y festivos d'apertura, de 10 a 15 h

Del 16 de xunu al 15 de setiembre

De martes a domingo y festivos d'apertura, de 10.30 a 19 h

Selmana Santa

De martes a domingo, de 10 a 17 h

Llunes zarráu

(El muséu va tar zarráu los festivos 1 y 6 de xineru;

Martes d'Antroxu, 15 d'agostu, 24, 25 y 31 d'avientu)





## Muséu Casa Natal de Jovellanos

Esti muséu inaugúróse en 1971 nún de los edificios más emblemáticos de la ciudá: la casa-palaciu de finales del sieglu XVI na que nació y vivió Gaspar Melchor de Xovellanos (1744-1811), personaxe fundamental de la Ilustración española.

L'edificiu ye un exemplu destacadú de casona asturiana según el modelu vixente ente los sieglos XVI y XVIII. Estructúrase en dos torres cuadraes llaterales xuníes por un cuerpu rectangular central con un patiu interior d'accusu a les diferentes dependencies.

La esposición permanente ofrez un percorríu pel arte asturianu de los sieglos XIX y XX, mesmo qu'una representación bien interesante de les principales escueles artístiques europees de los sieglos XVII y XVIII. Amás, dos de les sales tán dedicaes a Xovellanos, y nelles espónense moblame y oxetos personales, xunto a delles pieces de la so coleición artística.

La misión principal del muséu ye l'espardimientu, conservación y investigación del patrimoniu artísticu del conceyu (una coleición compuesta por más de 3.000 obres, ente pintures, escultures, dibuxos, grabaos, ilustraciones, fotografíes y trabayos en soportes nuevos), mesmo qu'esparder la figura y la obra de Xovellanos.

### SEÑES Y TELÉFONU

Plaza de Xovellanos, e/n. 33201 - Xixón  
Tel. 985 185 152

### HORARIOS DEL MUSÉU

De martes a viernes, de 9.30 a 14 y de 17 a 19.30 h  
Sábados, domingos y festivos d'apertura, de 10 a 14 h y de 17 a 19.30 h

#### Lunes zarráu

(El muséu va tar zarráu los festivos 1 y 6 de xinero;  
Martes d'Antroxu, 15 d'agostu, 24, 25 y 31 d'avientu)

**ENTRADA GRATUITA** | [info.museojovellanos@gijon.es](mailto:info.museojovellanos@gijon.es)





## Muséu Nicanor Piñole

Esti muséu ta asitiáu nel antiguo Asilu Pola, un edificiu eclécticu diseñáu en 1903-1904 por Luis García Bellido y construyíu por Miguel García de la Cruz, dos de los arquiteutos más relevantes de la época. Abelluga una seleición amplia d'óleos, bocetos, apuntes y dibuxos de Nicanor Piñole (1878-1978), un pintor de marcada vocación realista que siempre buscó l'equilibriu ente tradición y modernidá.

Inauguráu en 1991 p'acoyer la colección que donó la viuda del artista a la ciudá de Xixón amuesa, amás de les obres más relevantes de la so carrera artística, un conxuntu d'oxetos personales del autor.

Na exposición tán representaos tolos xéneros que trabayó Piñole a lo llargo de la so estensa trayectoria artística; el retratu, el paisaxe, les naturalezas muertas y les escenes de calter costumista, una temática na qu'aborda de forma orixinal y renovadora'l paisaxe y paisanaxe asturianos.

Un aspeutu destacadú de la colección son los más de 5.000 dibuxos qu'ofrecen una visión intimista del propiu artista y del so entornu familiar y qu'apurren les claves fundamentales pa interpretar el so procesu creativu.

### SEÑES Y TELÉFONU

Plaza d'Europa, 28. 33205 - Xixón  
Tel. 985 181 019

### HORARIOS DEL MUSÉU

De martes a viernes, de 9.30 a 14 y de 17 a 19.30 h  
Sábados, domingos y festivos d'apertura, de 10 a 14 h y de 17 a 19.30 h

Llunes zarráu

(El muséu va tar zarráu los festivos 1 y 6 de xineru;  
Martes d'Antroxu, 15 d'agosto, 24, 25 y 31 d'avientu)

**ENTRADA GRATUITA** | [info.museonicanorpinoles@gijon.es](mailto:info.museonicanorpinoles@gijon.es)





## *Muséu del Ferrocarril d'Asturies*

Esti muséu abrió les puertes en 1998 y anguaño tien una de les coleiciones ferroviaries más importantes d'España. Ta dedicáu a la conservación, investigación y espadimientu de la historia ferroviaria d'Asturias. El muséu coneuta la historia que surde cola Revolución Industrial col nuestru presente, y actúa d'esti mou como un elementu dinamizador importante de la cultura xixonesa y asturiana.

Asitiáu na histórica estación del Ferrocarril del Noroeste, inaugurada en 1874, l'espaciu museístico comprende tres edificios y una playa de vías mui amplia, con un total de más de 14.000 m<sup>2</sup>, y nel andén histórico amuésase una bona parte del material móvil (locomotores, vagones y coches d'hasta siete anchos de vía distintos).

La coleición tien un total de más de dos mil pieces y ye'l mayor conxuntu de material histórico ferroviariu conserváu n'España. La esposición permanente organízase en distintes unidaes temátiques, que conformen un paisaxe al traviés del que les personas visitantes pueden construyir el so itinerariu propiu.

---

### SEÑES Y TELÉFONU

Plaza de la Estación del Norte, e/n. 33212 - Xixón  
Tel. 985 181 777

---

### HORARIOS DEL MUSÉU

#### D'ochobre a marzu

De martes a viernes, de 9.30 a 18.30 h  
Sábados, domingos y festivos d'apertura, de 10 a 18.30 h

#### D'abril a setiembre

De martes a viernes, de 10 a 19 h  
Sábados, domingos y festivos d'apertura, de 10.30 a 19 h

#### Llunes zarráu

(El muséu va tar zarráu los festivos 1 y 6 de xineru;  
Martes d'Antroxu, 15 d'agostu, 24, 25 y 31 d'avientu)

---

**ENTRADA GRATUITA** | [info.museoferrocarril@gijon.es](mailto:info.museoferrocarril@gijon.es)



# Muséu de la Ciudadela de Celestino Solar

La Ciudadela de Celestino González Solar ye un muséu de sitiú que representa ún de los modelos de vivienda obrera más carauterísticos de Xixón. Esti tipu d'agospiu agrupaba delles cases dentro d'un cercáu o patiu interior, ensin fachaes pa la cai y con servicios compartíos, como los retretes, pozos o fontes. Construyées por particulares, ente l'últimu cuartu del sieglu XIX y les dos primeres décades del XX, con una inversión mínima, p'arrendales a personnes de clases populares. Estendíeronse per tou Xixón y, especialmente, pela zona del Ensanche del Arenal, onde ta esta, y llegó a haber más de doscientes. El Patiu de Capua, que tuvo habitáu más d'un sieglu (1878-1980), foi ún de los mayores y más representativos.

Inaugurada como muséu en 2003, venceyóse al Muséu del Ferrocarril nel añu 2018 pol so papel de testimoniu de la Revolución Industrial, y foi oxetu d'una renovación museográfica completa col envís d'esplicar les condiciones de vida de la clase obrera xixonesa y asturiana dende l'últimu cuartu del sieglu XIX hasta les últimes décades del XX. La esposición permanente organízase en delles unidaes temáticas nes que s'esplica quién construyó la ciudadela, cuántu tiempu tuvo habitada y quién fueron los sos vecinos y vecines. Amás, tien dos sales pa esposiciones temporales y la recreación d'una de les viviendes con muebles y axurar orixinales de les décades de 1940-50.

## SEÑES Y TELÉFONU

Calle Capua, 15. 33202 - Xixón  
Tel. 985 181 777

## HORARIOS DEL MUSÉU

D'ochobre a marzu

De martes a domingo, de 11 a 18.30 h


D'abril a setiembre

De martes a domingo, de 11 a 19 h

Llunes zarráu

(El muséu va tar zarráu los festivos 1 y 6 de xineru;  
Martes d'Antroxu, 15 d'agostu, 24, 25 y 31 d'avientu)

**ENTRADA GRATUITA** | [ciudadela@gijon.es](mailto:ciudadela@gijon.es)





## Muséu del Pueblu d'Asturias



El Muséu del Pueblu d'Asturias creóse en 1968 por iniciativa del Conceyu de Xixón y la Cámara de Comerciu, Industria y Navegación, col envís de conservar, estudiar y espardir la memoria del pueblu asturianu. Ocupa un parque de 35.000 m<sup>2</sup> y tien una charca d'agua salao. Esti recintu constitúi un espaciu agradable d'ociu nel que, tanto'l muséu como la ciudádanía, entamen distintes celebraciones y actividaes. Les sos coleiciones preséntense al públicu en dellos edificios. Dalgunos, como la casa campesina, les casones, los horros, les paneres, el llagar y los chozos, yá constitúin per sigo mesmos una parte de la esposición.

La colección del muséu recueye testimonios materiales y inmateriales y abarca toles estayes de la vida humana. Ta organizada en cinco árees: museográfica, musical, fotográfica, documental y oral. Destaquen les pieces representatives de la vida cotidiana de los sieglos XIX y XX, rellacionaes con funciones doméstiques, campesines, oficios artesanales, productos industriales, artes gráfiques, xuegos o relroxosidá popular, mesmo que les coleiciones de música, compuestes por instrumentos musicales (con atención especial a la gaita), partitures y grabaciones de música tradicional.

---

### SEÑES Y TELÉFONU

Paséu del Doctor Fleming, 877, La Güelga, 33203 - Xixón  
Tel. 985 182 960

---

### HORARIOS DEL MUSÉU

#### D'ochobre a marzu

De martes a viernes, de 9.30 a 18.30 h  
Sábados, domingos y festivos d'apertura, de 10 a 18.30 h

#### D'abril a setiembre

De martes a viernes, de 10 a 19 h  
Sábados, domingos y festivos d'apertura, de 10.30 a 19 h

#### Llunes zarráu

(El muséu va tar zarráu los festivos 1 y 6 de xineru;  
Martes d'Antroxu, 15 d'agostu, 24, 25 y 31 d'avientu)

---

**ENTRADA GRATUITA** | [museopa@gijon.es](mailto:museopa@gijon.es)



## REDE DE MUSEOS DEL CONCEYU DE XIXÓN

PARQUE ARQUEOLÓXICO-NATURAL DE LA CAMPA TORRES

MUSÉU DE LES TERMES ROMANES D'EL CAMPU VALDÉS

MUSÉU DE LA VILLA ROMANA DE VERANES

MUSÉU CASA NATAL DE JOVELLANOS

MUSÉU NICANOR PIÑOLE

MUSÉU DEL FERROCARRIL D'ASTURIES

MUSÉU DE LA CIUDADELA DE CELESTINO SOLAR

MUSÉU DEL PUEBLU D'ASTURIES

Xixón | Cultura  
y Educación